

清·方略館 編

清代 方略 全書

北京圖書館出版社



清代方略全書

八一

清·方略館編

北京圖書館出版社

欽定剿平三省邪匪方略正編卷二百五

辛酉

四月十七日

癸亥

倭什布奏言

臣

行抵襄陽接據

各路探報徐添德苟文明等股匪在興山之毛

龍寨萬家堙三對河一帶屯聚叅贊德楞泰與

長齡孫清元由豐邑坪南陽河等處分道進剿

初六日在王家堙與賊接仗殲擒甚多賊匪情

急由宋落河爬巖逃往房縣上龕分竄羊义河

蒙古寺等處現經各官兵分路兜剿又據竹谿縣稟報前經德楞泰打散之龍紹周等股餘匪尙在川楚交界之黑漆溝香溪向家壩一帶往來遊奕滋擾并有陝省不知姓名股匪於初五日由平利八卦廟竄至竹谿關陽坪王家河一帶焚掠等情

臣

查徐苟等逆旣經竄至羊义河

等處則德楞泰與長齡孫清元自必俱赴房縣

會剿而陝省竄來之賊亦當派兵攔截此時兩

廣江西等省補額官兵已入楚境臣現委員分

投迎催促令迅速前進一面飭令襄陽府張瑤

預備夫糧趕緊照料赴營臣卽兼程赴房與德

楞泰等酌商辦理所需糧餉軍火臣督飭後路

寬爲備撥并責成襄卽局員張瑤王正常等安

設臺站源源滾運以期接濟無悞奏入

上命軍機大臣傳諭吳熊光曰據倭什布奏龍紹周等股餘匪在川楚交界之黑漆溝香溪等處游奕并有陝省不知姓名股匪由平利竄至竹谿地方焚掠龍紹周一股賊匪前經德楞泰奏報被剿窮蹙已竄往川省太平老林札飭川省副將稽大榮等迎擊今倭什布又稱尙在川楚交界與德楞泰前奏不符至由陝省竄至竹谿另股賊匪究係是

何姓名現在何人剿辦倭什布摺內亦未敘明俱
著吳熊光查明迅速具奏至倭什布前在楚省辦
理糧餉多有貽悞昨已有旨將伊解任令其來京
候旨而本日倭什布摺內尙稱行抵襄陽後於糧
餉軍火寬爲備撥安設臺站源源接濟等語明係
謊言支飾著吳熊光遵照昨降諭旨將倭什布任
內有無別項情弊一併查奏至長齡現署督篆所

有楚省軍營糧餉責成伊妥協經理吳熊光於顏
檢抵豫後卽星赴湖北督辦長齡仍當與德楞泰
明亮等帶兵剿賊以期肅清楚境

十八日

甲子

上命軍機大臣傳諭勒保曰高馬二逆業據額勒登
保奏到經楊遇春等臨陣生擒勒保早應得信自
當帶兵專剿湯思蛟一股何以數日來未見續有

奏報勒保往來川東川北徒勞跋涉並未見擒一
首逆殲淨一股以陝楚相較寧不自知愧慙此時
湯思蛟一股最爲緊要責成勒保速往剿辦剋日
殲除不可再有延緩致干重咎又據楊揆奏夔州
保寧達州等屬因賊匪滋擾耕作失時或煮粥賑
濟或減價平糶以資接濟夔州保寧等處向爲賊
匪滋擾今失業貧民若不妥行撫卹恐爲賊匪所

誘豈僅賁賑平糶所能接濟此係勒保分內應行
速辦之事著卽設法妥爲綏撫毋使一夫失所如
有應行蠲緩之處不妨據實具奏候朕再降恩旨

二十日

丙寅

額勒登保奏言據楊遇春格布舍等

報稱高馬股匪自竄寧河後欲由甘境竄往龍

安楊遇春格布舍等率師輾轉截擊上月三十

日至荒耳山賊匪於是日竄至禪家巖相距六

七十里楊遇春等料其必由二郎壩奔竄遂探
明該處地勢令副將應元寬叅將張瑗遊擊朱
槐李東宣等帶領兵勇連夜潛赴二郎壩山後
龍洞溝迎頭埋伏楊遇春率領侍衛噶拉特依
順保德勒奇善墨爾根額協領全德叅將張超
遊擊唐文淑興普等帶領馬步兵勇於二郎壩
左面山林埋伏格布舍率領侍衛傅陞色玉慎

噶達鼐定色鼐總管富禮善協領青山佐領德
克精副將色克通阿遊擊雅津泰司國屏等分
帶馬步兵勇於二郎壩右面山坳埋伏均各裹
帶乾糧不舉烟火不支帳房掩旗息鼓於三十
日夜半至初一日天明差人密探賊蹤果有一
千數百人向二郎壩路徑竄來楊遇春復飛傳
各將弁總須俟各該匪全行竄到併力合擊不

許輕出使賊匪望風折奔時至午刻該匪竄到
二郎壩第二層山梁楊遇春等飭令點放號礮
左右兩面伏兵齊出鼓勇直前該匪猝不及防
立斃數十人該匪仍敢抗拒馬步兵勇鎗箭齊
發擒斬二三百名賊不能支奪路向龍硎溝逃
竄正遇副將應元寬等埋伏兵勇迎頭截住楊
遇春格布舍等兩路兵勇亦合力兜截當有四

川兵丁馬騰龍將首逆馬五擒住首逆高三見
馬五被擒遂由偏巖墮下希冀兔脫把總張仰
率同兵勇十五人一齊上前隨同滾下偏巖用
矛刺中該逆後肋當卽擒獲把總張仰因跌入
懸巖深處立時殞命殊爲可憫楊遇春格布舍
等帶領兵勇將餘黨併力殲擒總兵張鳳在荒
耳山帶兵尾追趕到總兵觀祥亦由板蒼壩帶

兵追來併力兜擊將餘黨斬獲無遺查得生獲
賊匪內有馬五之子馬秉太馬五之姪馬秉全
馬秉明及僞元帥朱泗林僞總兵張世德僞副
帥劉良珍等大小頭目十七名殲斃賊匪內有
僞總兵三名除滾巖跌斃者不計外殺賊六百
餘名生擒七百四十七名獲有大小旗幟一百
三十一件刀矛鳥鎗一千八十餘件查此股賊

匪自王廷詔就獲後僅存四五百人嗣與王凌
高張什後股賊匪五六百人及陳朝觀等股內
散出賊匪數百人先後合夥除節次斬獲外尙
共有一千數百人茲據全數掃蕩無遺

臣

查高

三馬五股匪於川陝楚三省地方滋擾日久節
次戕害提鎮大員惡貫滿盈神人共憤乃於王
廷詔王凌高張什等就縛之後猶敢率其餘黨

及陳潮觀股內散出餘孽希冀繞出龍安實屬
可惡茲經楊遇春格布舍張鳳率同將弁兵勇
臨陣生獲並將該匪夥黨賊目斬獲淨盡實足
以彰

國憲而快人心

臣

除卽欽遵賞格飭知楊遇春等

將生擒首逆馬五之四川兵丁馬騰龍傳

旨賞給五品翎頂以守備用並給銀二千兩其生擒